

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0051697 25
Zenica, 08.04.2025. godine

OPĆINSKOM SUDU U KAKNJU
- Sudiji za prethodno saslušanje -

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, ***p o d i ž e m***

O P T U Ž N I C U

Protiv,

V. A., osuđivan više puta za razna krivična djela

što je,

dana 12.01.2023. godine, na području općine K., suprotno odredbama člana 4. stav 1., 2., 3. i 4., i člana 20. Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao jednu pvc kutiju tamno zelene boje sa 15 (petnaest) paketića sačinjenih od najlonske folije različitih boja sa sadržajem nepoznate materije smeđe boje različitih nijansi, grudvasto-praškaste konstitucije neto težina: 0,612 grama, 0,293 grama, 0,636 grama, 0,228 grama, 0,613 grama, 0,687 grama, 0,566 grama, 0,485 grama, 0,656 grama, 0,250 grama, 0,320 grama, 0,611 grama, 0,353 grama, 0,280 grama i 0,295 grama, jedan paketić zelene boje sa sadržajem nepoznate materije smeđe boje grudvasto-praškaste konstitucije neto težine 0,855 grama, jedan pvc paketić sa sadržajem praškaste materije svijetlo-smeđe boje neto težine 0,042 grama, za koje materije je vještačenjem utvrđeno da sadrže psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II. „Tvari i biljke pod strogom kontrolom“ proglašena takvom, jednu prozirnu staklenu ploču kružnog oblika sa tragovima materije bijele boje, za koje tragove je vještačenjem utvrđeno da sadrže psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II. „Tvari i biljke pod strogom kontrolom“ proglašena takvom i jednu preciznu digitalnu vagu sive boje, a koju opojnu drogu i predmete su policijski službenici PS K. pronašli i oduzeli prilikom pretresa stana i pomoćnih objekata u mjestu ..., postupajući po naredbi Općinskog suda u K. broj: ...od 12.01.2023. godine,

čime je počinio krivično djelo neovlašćena proizvodnja i stavljanje u promet opojnih droga iz člana 238. stav 1. KZ F BiH.